

Na osnovu člana 70., 71, 72. i 73. Zakona o visokom obrazovanju Kantona Sarajevo („Službene novine Kantona Sarajevo“, broj 43/08), Odluke Senata Univerziteta u Sarajevu o izmjenama i dopunama Pravila studiranja za II ciklus studija (od 3.3.2010.) , Odluke Nastavno-naučnog vijeća od 11.3.2010. godine i Odluke Upravnog odbora od 21.1.2011. godine, Upravni odbor Pedagoškog fakulteta Sarajevo na sjednici od 21.1.2011. godine usvaja

PRAVILNIK
O ZAVRŠNOM RADU II CIKLUSA STUDIJA NA ODSJECIMA
PEDAGOŠKOG FAKULTETA SARAJEVO
(Prečišćeni tekst)

Član 1.
(Sadržaj Pravilnika)

- (1) Ovim Pravilnikom se reguliraju prava i obaveze nastavnika i studenata II ciklusa studija u toku izrade i odbrane završnog rada na odsjecima Pedagoškog fakulteta Sarajevo.

Član 2.

- (1) Studenti koji studiraju prema Bolonjskom procesu obavezni su na II ciklusu studija izabrati temu završnog rada iz odabranog područja.

Član 3.
(Izbor teme završnog rada)

- (1) Nastavnici koji sudjeluju u realizaciji nastave Pedagoškog fakulteta obavezni su najkasnije do početka ljetnog semestra studija predložiti Nastavno-naučnom vijeću jedan ili više naslova tema za izradu završnog rada sa odgovarajućim obrazloženjem.
- (2) Na zahtjev prodekana za nastavu odsjeci dostavljaju listu ponuđenih tema sa imenima mentora, nakon završenog zimskog semestra.
- (3) Student predlaže mentora iz reda nastavnika koji su, nakon preuzete dužnosti mentora, obavezni pružiti stručnu pomoć u postupku izrade završnog rada.
- (4) Temu završnog rada predlaže mentor ili student uz pismenu saglasnost mentora.
- (5) U slučajevima multidisciplinarnosti teme završnog rada kandidatu se može odrediti i komentor.
- (6) Oblast (teme) završnog rada kandidat bira iz nastavnih predmeta pod nazivima:

Savremeni didaktičko-metodički pristupi u odgoju i obrazovanju, Razvoj i evaluacija kurikuluma, Didaktika i Psihologija odgoja;

Izborni predmet usmjerenja na Odsjeku za razrednu nastavu (iz kojeg je kandidat odabrao seminarski rad):

Metodika nastave bosanskog, hrvatskog, srpskog jezika i književnosti, Metodika nastave matematike, Metodika nastave poznavanja prirode i društva, Metodika nastave likovne kulture, Metodika nastave muzičke kulture, Metodika nastave tjelesne kulture, Specijalna pedagogija sa metodikom rada;

Izborni predmet usmjerenja na Odsjeku za predškolski odgoj (iz kojeg je kandidat odabrao seminarski rad):

Metodika predškolskog odgoja, Integrirani predškolski kurikulum, Metodika razvoja govora, Metodika razvoja matematskih pojmova, Metodika likovnog odgoja, Metodika muzičkog odgoja, Metodika tjelesnog odgoja;

Izborni predmet usmjerenja na Odsjeku za kulturu življenja i tehnički odgoj (iz kojeg je kandidat odabrao seminarski rad):

Metodika nastave kulture življenja, Metodika nastave tehničkog odgoja;

Bazični predmeti izabranog Izbornog predmeta usmjerenja na svim odsjecima:

Bosanski, hrvatski, srpski jezik I, II, III, Kultura govora I, II, Uvod u književnost I, II, Književnost Bosne i Hercegovine i južnoslavenske književnosti I, II, Književnost za djecu I, II, Matematika I, II, III, Likovna kultura, Muzička kultura, Tjelesna kultura, Predškolska pedagogija I, II, Prirodne nauke (Biologija, Hemija, Fizika i Geografija), Društvene nauke (Historija Bosne i Hercegovine, Sociologija i Politički sistemi u Bosni i Hercegovini), Specijalna pedagogija, Logopedija, Osnovi ekološke kulture I, II, Saobraćajna kultura I, II, Ekonomika potrošnje, Zaštita i njegovanje kulturnog naslijeđa I, II, Kultura stanovanja I, II, Ishrana I,II, Higijena, Osnovi odijevanja, Tehnologija namirnica I, II, Tehničko crtanje sa nacrtom geometrijom I, II, Građevinska tehnika I, II, Mašinska tehnika i tehnologija I, II, Elektrotehnika, Automatika, Maketarstvo, Elektronika, Robotika .

- (7) Nakon podnesenog zahtjeva, Nastavno-naučno vijeće donosi Odluku o prihvatanju ili neprihvatanju teme na svojoj prvoj redovnoj ili vanrednoj sjednici (u najdužem trajanju do 30 dana).
- (8) Ukoliko pozitivno ocijeni predloženu temu kandidata, Nastavno-naučno vijeće donosi Odluku o prihvatanju teme i imenovanju mentora (uz mogućnost izbora i komentora).
- (9) Kandidatu se može jedanput odobriti zamjena teme završnog rada i to najkasnije u roku od 60 dana od dana odobravanja teme.
- (10) U slučaju duže bolesti, opravdane spiječenosti ili smrti mentora, kao i nemogućnosti saradnje sa mentorom, kandidat ima pravo na zamjenu mentora, odnosno teme završnog rada i to najkasnije u roku od 90 dana od saznanja navedenih okolnosti.

Član 4.

- (1) Završni rad obima od 15 000 do 25 000 karaktera kandidat predaje mentoru. Završni rad se prilaže u tvrdom povezu. Na naslovnoj strani korica završnog rada navode se slijedeći podaci: Univerzitet u Sarajevu; Pedagoški fakultet Sarajevo; ime i prezime kandidata; završni rad; Sarajevo, mjesec i godina izdanja. Na unutarnjoj strani završnog rada navode se isti podaci, s tim što se ispod oznake: završni rad navodi riječ mentor, zvanje mentora i ime i prezime mentora.
- (2) Predmetni nastavnici mogu biti mentori na izradi 5 do 7 završnih radova u toku akademske godine.
- (3) Nakon pozitivne ocjene, mentor dostavlja rad izabranim članovima iz reda stalnih komisija.
- (4) Komisiju sačinjavaju: mentor (uz mogućnost izbora komentora) i dva člana, od kojih je jedan predsjednik.
- (5) Predsjednik komisije je iz uže struke mentora.
- (6) Drugi član komisije može biti izabran i iz srodne struke.
- (7) Na prijedlog komisije Nastavno-naučno vijeće može završni rad prihvatiti ili vratiti kandidatu na izmjenu i dopunu, ili ga odbiti.
- (8) Odbijeni rad ne može se ponovo podnijeti u cilju sticanja stručnog zvanja, utvrđenog odbredbama Pravilnika o korištenju akademskih titula i stručnih zvanja na visokoškolskim ustanovama Kantona Sarajevo.
- (9) Nakon prihvatanja završnog rada, Nastavno-naučno vijeće zakazuje odbranu u roku od 7 dana.
- (10) Fakultet oglašava odbranu na svojoj Oglasnoj ploči i web stranici.
- (11) Obavijest o odbrani završnog rada sadrži: ime i prezime kandidata, naslov teme, datum, vrijeme i mjesto odbrane.
- (12) Obavijest o odbrani završnog rada potpisuje sekretar odsjeka.
- (13) Završni rad je dostupan javnosti u trajanju od 5 dana.

Član 5.

(Odbrana završnog rada)

- (1) Odbrana završnog rada je javna.
- (2) Odbrana završnog rada sastoji se od mentorovog izvještaja, kandidatovog usmenog obrazloženja rezultata rada ili prezentacije eventualnog praktičnog rada i odgovora na pitanja članova komisije.
- (3) Mentorovo obrazloženje traje do 10 minuta.
- (4) Usmeno obrazloženje rada ili prezentacija eventualnog praktičnog rada do 15 minuta i odgovori na postavljena pitanja komisije do 35 minuta.

Član 6.

- (1) Nakon mentorovog izvještaja, kandidatovog elaboriranja rezultata rada i obavljenog ispitnog dijela, komisija u odsustvu kandidata odlučuje jednoglasno ili većinom glasova da je kandidat odbranio ili da nije odbranio završni rad.
- (2) Ako kandidat ne zadovolji na odbrani završnog rada, ima još jednom pravo na odbranu istog završnog rada ili na izbor nove teme, u roku od 90 dana od datuma neuspješne odbrane.
- (3) Nastavno-naučno vijeće donosi odluku o datumu ponovne odbrane završnog rada.
- (4) Završni rad u okviru II ciklusa studija i njegova odbrana ocjenjuju se jedinstvenom ocjenom od 10 (A) do 5(F,FX). Vrednovanje završnog rada može maksimalno iznositi 30 (E)CTS bodova.

Član 7.

- (1) U toku odbrane završnog rada vodi se zapisnik koji potpisuju svi članovi komisije i zapisničar u svojstvu sekretara vijeća odsjeka ili saradnika u statusu asistenta ili višeg asistenta na nastavnom predmetu mentora.
- (2) Komisija podnosi dekanu Fakulteta Izvještaj o toku i rezultatu odbrane završnog rada, a Nastavno-naučno vijeće vrši konačnu verifikaciju odbrane.

Član 8.

(Stručno zvanje)

- (1) Uspješnom odbranom završnog rada na II ciklusu studija Pedagoškog fakulteta kandidati stiču slijedeća stručna zvanja:
magistar predškolskog odgoja (na Odsjeku za predškolski odgoj)
magistar razredne nastave (na Odsjeku za razrednu nastavu)
magistar kulture življenja i tehničkog odgoja
magistar kulture življenja i
magistar tehničkog odgoja (na Odsjeku za kulturu življenja i tehnički odgoj)

Član 9.

Ovaj Pravilnik stupa na snagu danom usvajanja na sjednici Upravnog odbora od 21.1.2011. godine.

Predsjednik Upravnog odbora

Alma Jusufbegović-Bečić

Broj:

Datum:21.1.2011. godine